

廣東府縣志輯

中國地方志集成

民國時期縣志(一)



# 中國地方志集成


廣東府縣志輯④<sup>5</sup>

民國海康縣續志(二)

上海書店 ● 巴蜀書社 ● 江蘇古籍出版社

民國海康縣續志(二)

梁成久纂修  
陳景棻續修



列女志序

梁成久曰中壘列女宣城是宗二千年來莫敢異轍誠以節烈之  
女志堅金石之死靡他猶大丈夫之取義成仁天紀人綱賴以不  
墜不可不力為表章也況丁世道陵夷風教淪替男子結髮學問  
詩書陶性禮義束躬末路猶不堪問爾乃得之閭閻弱質白刃可  
蹈黃壤為期冬嶺孤松疾風勁草不尤難能可貴耶惟中壘所列  
有母儀賢明仁智貞順節義等目范書區明風烈亦不專一操蓋  
列者羅列之謂非節烈之謂故鮑宣王霸之妻則以賢曹娥趙娥  
叔先雄姜詩之妻則以孝馬倫蔡琰則以才其與劉長卿之妻以

海康縣續志卷二十二列女序

二 海陽印書館印

節吳許升皇甫規陰瑜盛道之妻以烈有同揆焉且曹世叔妻班  
昭則才學而節者也樂羊子之妻則賢淑而烈者也傳之者豈得  
此而遺彼乎典午以還猶存斯旨唐宋而降厥義漸湮蓋自劉子  
元譏劉列懷羸范列蔡琰而史氏乃專以列女奉之節烈方志之  
書則更不敢越雷池一步矣夫子元所譏固足樹管彤大檢然未  
嘗謂列母儀賢智恒少君曹娥馬倫等為非宜也博稽東觀之藏  
列女而載節烈猶男子之載忠義忠義之外能盡翫置之耶近代  
方志善本若段氏富順志錢氏鄞縣志章氏和州志永清志伊湯  
安嘉興府志姚姬傳江甯府志汪士鐸江甯續志光緒桐鄉志光  
緒順天府志江賓樹等南皮志孝淑才媛皆為摛輯洵能不失本

來面目茲參仿衆例首烈婦女次貞女次節婦次孝婦女次賢淑  
次才媛而以壽婦終焉蓋以身徇夫遇變徇難已嫁者為烈婦未  
嫁者為烈女未字室女奉親終身及未嫁夫亡終老母家或聞計  
奔喪守志以歿為貞女已嫁者年三十以前守節十年外身故

此按  
為道光五年改定例以前則須十五年方合  
至同治八年再改作六年俱奉旨遵行

例得請 旌者為節婦善事父母為孝女善事舅姑為孝婦相夫  
教子聞懿足傳為賢淑通經史嫺吟詠為才媛享壽百齡見孫五  
代為壽婦人生惟一死最難故首烈婦女貞視節有純為義與兼  
為情之分故次貞女又次節婦孝為百行首本合先登祇以方志  
列女通例皆節烈居冠故又次之庸行不如至行有德自勝有言

海康縣續志卷二十二列女序

二 海陽印書館印

故賢淑才媛又遞次之而壽婦則視壽民故為之殿按主名而闡  
實義俱覺犁然或有兩類可收則從其重者或有一家兼擅則不  
以類繩皆例所應爾也若其標題范氏舊矩皆統婦於夫明史則  
先標婦氏後敘夫名多宋史亦方志二體祖述參半或謂題標某氏  
有失婦女從夫之義章氏則曰先列夫名究非婦女命篇之旨孰  
得孰失均無定衡前志既以婦氏冠章茲亦姑沿不改而夫名父  
族子孫遞次其下有頂帶及與子則常璫華陽士女志某妻某  
女某姊某姑之例也且必詳記里居俾後人有所徵考則宋史項  
氏吉州吉水人居永昌里童八娜鄴之通遠鄉建輿人之例也

志曲陽志亦多此式有名字者並列名字如范書曹世叔妻名昭字惠班陰

瑜妻名采字女荀也無名字則稱其姓不稱氏若母則曰母妻則曰妻女則曰女范書有之新唐書尤爲備體第列女雖衆故實多屬闕如豈能盡爲立傳魯通甫邳州志光緒鹿邑志均撫其稱述有端委者各以類從銓敘於前無實可表則敘次於後亦列傳附傳法也其女適別縣者桐鄉志列卷中金縢海甯志則附之卷後較爲適宜僑寓有人並從斯典而孀守存歿年齡必書爲通例兼及朝代歲次則南潯志鹿邑志桐鄉志所獨也又烈婦之後附以李某之妾沿桐鄉志之錄濮允中妾歌兒汪佛奴也顧或者曰賢淑婦女視節烈徵事尤難蓋婦以人言不出閭閻範圍自鮮外聞不若峻節孤標章章可考卽孝爲內行才屬闔閭亦未嘗自暴人世

然族黨稱異詩歌傳名都非暗中摸索也桐鄉志賢婦門有云恐

此例一開將有徇人伉儷之私而紛紛竄入者杜漸防微可云深

至儼不得確據而漫以將事不如祇志節烈之爲愈矣雖然無之

固不可作以僞而有之亦可沒其真桐鄉志爲有倪李二氏卽

立此一目究何嘗輕心以掉惟不敢濫及耳且徵賢淑難徵節烈

亦豈易易此事全由采訪者咨諏所及與其家呈遞而來而乃委

巷窮檐加以星移物換又或庭堅不祀或毛邱流離卽使芻蕘有

詢安必蓬華不漏倘使姓氏與荒烟蔓草埋歿飄零何以慰彼視

死如歸飲冰茹蘗者精魂於九原之下也五月之日雷祖祠神前

之禱不嘗爲是兢兢哉然則難之所在斷可識已又列女前志立

其亦此意也夫志列女

專闕雖方志多有之第攷之史編列女乃與儒林文苑忠義循吏等列初非別之列傳之外者故武功志靈壽志廣西通志阮省志江甯府志光緒順天府志光緒黃州府志皆隸之人物而別爲子目順天志藝文目錄且於吳獅武清志駿之曰列女亦人物也何以別爲一門自是不刊定論惟人物見存人例不入傳而節婦年例已符操守完白者統得破格編錄以從一而終之義至此已可共信且恐貞蕤幽谷今日不亟爲采輯過此以往未之或知也又光緒中黃汝梅王徵榆次縣續志節婦未及請旌年限者亦存記以俟續纂光緒順天府志八旗事惟專載歸順天管理著而列女八旗通志采取皆茲志節烈並以宣統三年後迄今者載入附錄變例以重其事

人物志三

列女上

烈婦女

貞女

節婦

第一區節婦

第二區白沙社節婦

第二區大埔社節婦

第二區塘尾社節婦

第二區黎郭社節婦

第三區南祿社節婦

第三區略斜社節婦

第三區安苗社節婦

人物志三

梁成久纂

(列女上)

烈婦女

梁氏調賢社赤坡村梁國順女八歲締姻同社丁滿西村吳家樹道光二十三年冬家樹病歿梁年十七未字也聞耗暗泣欲奔喪阻於母翌日飲酒卒吳家舅姑欽其義烈迎柩偕夫合葬螞蝗嶺之原兩家皆寒窶表章無力時則欣賞請旌樹坊者官和社登萬村家樹族耆志均也縣舉人袁元勳有傳並嘉志均之好義云

恒探

陳氏府城內西關安仁坊陳嫗養女嫗大埔人常伺候娼寮人呼曰大埔娘者也女亦陳姓三歲養於嫗長而白哲有容色然蘊志堅卓懷貲郎多謀賄嫗求作妾不屑也嫗商之女則願贅婿於家嫗無子自計亦良得女年十九卽贅同關歐三爲夫歐三故販蔬菜營生一年餘得略血疾不能負擔嫗有悔意女知之調護其夫備至每爲嫗寬解言不日當就痊也無何歐三病日亟遂卒與嫗善者皆賀謂女再嫁可得厚賞矣而女已潛服毒夫棺殮畢卽隨殉蓋恐嫗強奪其志不獲孀守也人又皆爲女欽謂真蟬脫濁穢之中嶢然泥而不滓者此光緒二十二年事女年僅二十有一

鄧氏武郎社英樓村符志尊妻年十七于歸敬事舅姑事夫和順  
相得甚懽光緒二十八年志尊病火鱸疔鄧侍湯藥目不交睫至  
夫卒凡四晝夜既卒又哭七晝夜不絕聲姑與母解喻百方水漿  
終不入口家人慮有意外密爲防閑忽言笑如平時謂其母從今  
代夫事舅姑不死矣家人信之防稍懈卽飲滿以殉年二十餘鄉  
里無不欽其義烈謝拔偉  
採訪冊

附梁氏塘尾社邦塘村監生李啓豐妾其先市門女也自歸啓豐  
奉姑恪謹事主君卑順日雜諸婢執庖馭操春搯足跡不逾戶外  
宣統三年李家娶婦燕賓啓豐以鬪酒亡梁卽引剃髮刀自剄爲  
人所奪是夜仍潛服阿芙蓉膏以殉年厘二十句三歲衾禱未有  
海康縣續志 卷二十一 人物三 列女上 二 雷陽印書館印

兒息乃竟志堅金石之死靡他其視清娛高娃何多讓哉李泰探  
訪冊  
適鄰縣烈婦

何氏安苗社調龍村試用訓導何文輝次女年十七適遂溪土札  
村從九品銜周世槐光緒二十九年世槐卒何于歸纔一年矢志  
孀守上無舅姑下乏嗣息子然一身而世槐以疫故祇草草棄埋  
越三年改卜新阡塋工甫畢卽香告先靈隨夫地下遂自縊時光  
緒二十二年七月也得年二十有一陳春華  
採訪冊  
僑寓烈婦

李氏番禺縣章鳳翰妻隨鳳翰寓居雷州同治二年海水溢鳳翰  
與李及二婢登屋水將及屋鳳翰脫鄰家高牆攀緣而登失足墮

水李急脫釧付婢自投下及水退兩屍相挽而死婢賣釧歛之此  
據番禺縣舉人陳澧東塾集所載澧又云鳳翰余表姊子嘗從余  
學能讀書屬文李之父同縣舉人能定余友也余哀鳳翰尤哀李  
不知其意爲救夫歟爲夫死義不獨生歟二者皆可傳也

附錄烈婦女

黃氏安攬社新宅園村陳世第妻光緒十八年世第故黃年二十  
三孀守家貧辛勤紡織以事舅姑撫穉子民國五年九月楊學紳  
之亂遇害年四十七陳耀庚採訪冊

陳氏淡水社公港村陳永質女許字冬松坑仔村曹爲周子未于  
歸民國六年八月爲匪所掠不受汚投海死年甫十七吳乃焱  
採訪冊

海康縣續志 卷二十一 人物三 列女上 三 雷陽印書館印

蔡氏白沙社墨城村謝士元妻民國七年四月桂軍攻城紮營其  
村數日拔隊去蔡初逃匿他所適孕將分娩謂兵已遠去也商於  
夫偕之歸不意越一日兵復至肆意淫掠蔡閉戶堅守破扉入執  
將犯之蔡大罵誓死不從齧兵手血殷袖執稍弛奮掙脫走兵怒  
尾逐槍斃之年二十有八一身兩命聞者莫不盡然蔡居恆沈靜  
寡言笑其義烈蓋天性然也袁榮採訪冊

陶氏英風社菜園村胡廣富妻同社草洋村人女年十五歸胡民  
國七年土匪蹂躪烏石港十數里地人無甯居陶避匪外家至五  
月中其翁生辰歸爲慶祝會翁與夫皆商於外陶與姑相依暫匿  
處俟翁還俄而匪大至被擄將下船遂投海死越日尸浮夫家門

外容如生見者莫不駭歎以爲陰靈不昧也 鄧炳輝採訪冊

劉氏城外夏和里陳其殷妻光緒二十三年其殷卒劉年二十八孀守撫孤民國七年六月中桂軍攻城突入其家威逼行淫劉逃匿牀下抵死不出桂軍無如何怒斷其兩足立斃聞者莫不傷之時年四十有九 何錫恩採訪冊

許氏淡水社新芋崙頭仔村劉德魁妻民國七年避匪匿村之後山匪尋得擄之去不從且厲詬曰去亦死不去亦死孰若死於此得死所匪怒槍斃之年三十有五時新寮林家村陳攸秀妻李氏同年七月被匪擄其翁追蹤乞贖不許李則捧衣一領於翁泣告決死不受辱以此衣歸爲招魂也及將至船投海死年方十八又

海康縣續志 卷一十二人物三 列女上 四 雷陽印書館印

雙星村蘇德進妻吳氏年五十有五與李同月日被擄亦於將下

船偕投海亡 俱陳悠久代採訪

吳氏南祿社石產村李開葵妻年十八于歸民國七年開葵卒吳悲慟不食越一日遂以身殉年三十有七

李氏淡水社新寮下村陳有秀妻民國七年股匪環村搶掠李外逃不得被擄下船逼污不受投海亡 林汝霖採訪冊

楊氏淡水社港尾村王守樞妻民國八年二月村被股匪焚掠楊抱三歲女同姊姒二十餘人外逃突遇羣匪盡擄下船楊堅不從付女於姊姒投海亡年三十一 同上

徐氏官和社世安村邢至虎妻宣統元年至虎歿無子徐年二十

四矢志孀守民國八年五月歸甯母家被匪掠往英利墟徐不受辱投井亡年三十四

莫氏武郎社蘇家村蘇正森妻民國九年五月二十一夜有賊入其家尋殺正森莫以身遮蔽其夫而手支梧賊賊卽槍莫死正森逸賊亦尾殺之莫年 謝拔冊採訪冊

洪氏畧斜社輝田村符啓春妻民國九年六月二十五夜土匪劫村入其家洪倉皇起被匪索縛其髻強拽痛毆抵死不去復走歸匿牀下匪不能擄槍斃之年二十有三符璜採訪冊

王氏那山社夏初村監生馮丕敏子家鸞妻 林採訪冊 馮德欽妻 渡南社八龍井村王昌基女民國九年年十七仲冬月尾于歸馮十二月九

海康縣續志 卷一十二人物三 列女上 五 雷陽印書館印

日之夜股匪攻陷南興市散劫村莊王隨姑蘇氏奔逃至南渡村被擄姑遇害王痛姑哭震天賊持槍對王迫使行則矢之曰身可死不可辱殺則殺泰山可轉吾步不可移脅去至南渡又抵死不船且罵不絕口賊遂槍斃於渡之步頭既死屍仍屹立踣而投之水復浮而不沈越日殯而如生其于歸馮僅十二日耳民國以來盜賊所在蠶起王在父家時聞有婦女當厄則曰胡不死我若遇此必不求生也至是母聞其被擄曰吾女必死矣蓋其志已素定故決烈若斯也 謝珍林家鴨採訪冊 謝珍林父老口述

高氏南祿社鄭家村何之浩妻宣統元年之浩卒高年二十六孀居撫遺腹子躬事耕稼操作辛勤民國九年村被匪劫高倉猝尋

兒突遇匪計不能脫大罵而死年三十七

貞女

關氏康熙中調排社內巷村貧家女年及笄許字 村林日旺

無何父母俱逝日旺亦夭關惟隨父姑女紅度口姑亦寡婦晨夕

相依閭內肅然有言及婚姻者厲色拒之未幾姑又逝時關年已

三十餘夫家有猶子欲迎養却不去仍紡織縫紉爲生無難色既

而鄉族僉佩清節請旌於 朝予金豎坊又有鄰人曾輝蓮族人

林耀武者釀金殖田贍其老是爲乾隆十年關處之亦無喜色至

乾隆二十年卒年六十餘鄉里又各飲助棺殮題捐封墓修坊樹

碑碑文則同社舉人黃安知縣林春澤撰也曾輝蓮等養贍事亦

海康縣志

卷二十一 人物三 列女上

六 雷陽印書館印

豎有碑記皆在內巷村外與坊表毗連惟曾碑則曰夫亡奔喪茹  
苦拮据以奉翁姑撫弱姪長成爲之婚娶與林碑所述差殊兩人  
皆並時鄰里見而知之奚爲不同存疑是也

招氏遂溪縣建侯村招進陞女許字南祿社樂只村監生蔡鍾璧

長子國平未嫁而國平故招年十六奔夫喪守貞越九年卒前志

已載之列女傳附錄以年例未合也迨光緒初經縣舉人卓廣濂

等呈請准旌則應改入正傳矣國平卒在乾隆四十四年招撫猶

子爲夫後並敘入以補前志所未及

蕭氏官和社英利墟蕭綿實女綿實有一子早逝無嗣家貧親老

女矢志不嫁終身事父母相傳有嫁女倩其作嫁裝鞋者飛鳥銜

而棄之女感其意志益堅養生送死壹以女當兒至道光十九年  
卒年七十有三葬之墟東玉崑塘之原縉紳僉嘉其孝祀栗主墟

之觀音廟所遺住宅並歸廟賃息爲香燈費光緒間郡人縣丞吳

廷勳增生蕭熙勒有碑記

吳氏淡水社調風村吳德純女許字偉家村卓特立爲妻咸豐二

年吳年十八未于歸聞特立病徒步往其家躬調湯藥晝夜不倦

且私籲天願減己算增夫紀無如侍藥僅十餘日特立短命被髮

治喪殯葬事畢卽住夫家自持門戶矢死靡他撫夫兄子爲嗣卒

年六十一 吳乃森採訪冊

蔡氏調排社東井村周受精聘妻光緒十七年受精亡蔡年十九

海康縣志

卷二十一 人物三 列女上

七 雷陽印書館印

過門守節爲夫立後孀居六載光緒二十二年卒年二十四 周肇

附錄

唐氏府城外曲街唐某女少許字南關內柳樹巷葉士耀子天泰

爲妻天泰十一歲殤唐知母意欲復擇婚至年十六會其姊出關

亡唐晤同往道經夫家慕轉闖入力閉其門誓不返時士耀已故

惟妻在遂與姑長齋奉佛姑愛之若所生居無何以瘧疾亡年裁

十九唐戚鄰有唆其母告姑毒斃於縣令求開柩檢視者得紳士

白其誣縣令斷予錢二十貫贍母老乃已此光緒二十二年事

縣令則祥林也

附錄

許氏安攬社北坡村許克周女爲同社北田村陳維成聘妻民國七年維成卒至八年許年十六過門守節長齋民國十一年卒年十九

節婦

蕭氏府城內鐘樓巷監生陳廷瑤妻歲貢翁源訓導源關子婦城外蘇樓巷監生蕭作霖女嘉慶十五年廷瑤卒蕭年二十有九孀守貧敬事舅姑姑宋有痰疾恆臥牀蕭手奉湯藥朝夕間視無少間又焚香籲大願以身代及姑歿毀瘠殆不勝哀生三子長毓元廩貢生次毓眞拔貢生三毓亨廩貢生孫曾並列膠庠卒年六十追光間旌

海康縣志

卷二十一 人物三 列女上

八 雷陽印書館印

李氏原籍遂溪文章村遷住府城內深井巷王作和妻作和病風顛嘉慶二十四年外出死於遠方李年二十二孀守家況蕭條惟以紵織度活敝衣蔬食飢寒交迫晏如也尤明大義君舅故幾無以殮並遺有貸債錢五十千鄧亟貨嫁奩得數十金爲喪葬費其貸債節縮羨餘數年亦清償之無子撫夫兄子庚辰爲嗣時方四齡鄧教養兼至庚辰後列膠庠稱爲善人孫逢道皆博士弟子員鄧卒年八十有八

王氏圖閣村歐景經妻塘尾社官墓村附生王省臺女道光十年景經卒王年十九孀守撫嗣子勤儉持家鄰舍嫁娶未嘗躬親慶賀里人鮮覩其面同治二年鹽潮大作王藏身家室樓上潮退出

陳氏府城內雨花臺後街歐炳爵妻道光十三年炳爵卒陳年二十一孀守撫夫弟長子爲夫後勤身節用和接鄰家如婢有衣必借之衣有食必推之食來往親屬禮意有加鄰里咸稱賢焉卒年六十九祀節孝祠

陳登策採訪冊

王氏府城外蘇樓巷監生黃俊妻瓊州委用教諭成章子婦道光二十年俊歿王年二十五孀居謹肅足不踰閭惟以古賢箴訓格言教其子同治九年請旌卒年六十有五並祀節孝祠子宗彥五品軍功陳登策採訪冊

朱氏調排社內巷村附生歐育蛟繼妻道光二十五年育蛟故朱

海康縣志

卷二十一 人物三 列女上

九 雷陽印書館印

年十五所生子相繼殤撫夫前妻子汝垣娶婦唐氏生孫二長家隣次家鴿未幾汝垣亡朱與唐共撫弱孫長成延師課讀家隣娶婦韓氏生一子禮周光緒八年家隣又亡韓年亦二十五孀守侍兩代嫠姑下閨鬻穉子其村非婚喪大事足不履戶外斯時孤苦相依辛勤作食家計壹是朱持理之家非素封而族中有艱於委禽者不能舉火者莫不欣然依助如婢歡愛宗族景稱雖賊獲亦頌慈惠焉朱光緒十五年請旌卒年七十已入節孝祠韓宣統元年請旌卒年五十七汝垣家隣禮周俱監生家鴿增貢生

漢探訪冊

勞氏南祿社樂只村監生蔡維藩妻大埔社圖角村舉人順德教

諭勞思澄長女道光之季維藩歿勞年二十三孀守家雖貧事翁姑敬養兼至及翁姑逝世棺殮喪祭百需悉已所拮据厚待夫弟代爲娶婦已無子撫夫弟之子爲後教育周摯無異自出光緒七年請旌與曾祖姑同建坊泰坡營官路旁卒年六十

何氏畧斜社深坑東村陳思清妻道光二十九年思清卒家貧親老子穉何年二十七孀守敬事舅姑至舅年九十一姑年八十九逝世朝夕奉養無少虧迨子升校長成善治生日有羨餘何又喜賙贈鄉鄰流氓乞丐施舍皆不吝道光間請旌卒年九十八

符氏安苗社調龍村何紹發妻道光二十九年紹發卒符年三十孀守食貧撫孤後子死媳改嫁獨自紡織度口足不踰閭族鄰欽

海康縣志 卷二十一 人物三 列女上 十 雷陽印書館印

其苦節贈匾以旌其門曰柏舟矢志卒年八十一 陳登雲採訪冊

劉氏淡水社南頭村陳良椿妻道光間良椿卒無子劉年二十四

孀守以夫弟子爲嗣愛之如己出家政一切皆躬自紀理撥田租

穀數十石生息以造本支祖祠尤嫠婦所難能者卒年五十六 吳森採訪冊

王氏安苗社坡定村周有容妻有容卒在道光間王年二十二孀

守子穉家赤貧父與弟屢欲奪其志矢死不從惟母諒之而亦難

與父抗父家安攬山尾村距坡定僅二里畏父與弟逼十餘年不

敢歸寧茹苦戮力視爲固然無纖毫介意事翁姑盡誠敬撫孤兒

愛而兼勞卒年六十八 南勞村雷育才製

王氏黎郭社調爽村陳子侃妻監生伯賢子婦調襖社祿切村廣西試用州吏目王翼四女善女紅識詩書敬事舅姑和接妯娌人無間言咸豐二年子侃卒王年二十六孀守家業爲其夫蕩盡厝存己所置田三斗佃租備贍粥富家兒郎聞其賢多遣媒求配悉

厲絕之租入不給每爲村之諸宛若紡織縫紉甚得宛若愛憐時送芋蒱得度日食將毫猶病瘦叢林下掃落葉供炊爨也無子以夫兄從九品銜子儀仲子孫謀嗣孫謀與婦亦能養有旨甘必奉

嘗不幸皆短折王於光緒十六年請旌二十八年卒年七十六 英風社古蓬村吳姓女嫁調賢社陸堂村陳某在咸豐中陳某死

於蛇氏時年二十餘其夫兄陳謙圖並家業密賄媒私作伐南坡

村某既成議復賄與夫肩輿來謂父家逐婦寧氏爲所哈遂行與

夫故逶迤其追往南坡及門婢曰此非主母之外家也氏下輿視

亦曰此非吾父家也何爲而至此與夫則堅稱是是苦勸入門乃

一踰闔則見彼家告卿娶妻否案尙設中庭事無可諱氏怒厲誓

彼人云是爾夫兄屬媒作合何怒爲氏益憤卽淨截髮擲之堂

一決志尋死南坡人皆恐惶拘其媒遞詞送氏復夫家其父知之

控謙於縣縣令金琛罰謙白銀巨千贈吳終身吳無子以謙子濟

川爲夫後家有田歲可入穀四百石謙祇予氏四十石迨縣建新

賓興祠盡以己穀入牌位者四祀之卒於光緒中年六十餘 何逢慶採訪冊

海康縣志 卷二十一 人物三 列女上 十一 雷陽印書館印

淡水社欖桑村孀婦某氏其家舊有雇傭及夫亡卽去其傭以還嫌也乃傭未婚陰欲娶氏往見其父問婦女再嫁從父母乎抑由己也其父曰婦女一嫁由父母再嫁則由己耳傭於是時往氏之門多不得見傭無如何心生一計以車來哈氏云其母病危速歸可一而氏倉惶不及慮遂登車傭徑御往彼家氏知被賺厲責傭傭之姊云汝已錯行至此請以錯就錯弟家亦小妻汝作吾弟婦需用卽有缺吾爲照則毋須悔也氏怒甚徒步歸夫家訴諸親族控於縣縣令王煦治傭以圖姦主婦罪杖責並三木示衆此同

治年事氏孀居年

始卒

遂溪何慶雲口述

陳氏安攬社杜陵村增貢生吳鍾岱妻同治三年鍾岱沒陳年二

海康縣續志

卷二十一 人物三 列女上

十二

雷陽印書館印

十九孀守家貧親老子穉仰事俯畜撐支家計不知幾歷艱辛至中年仲子乃廢季子冠南俱進庠人皆以爲苦節之報云卒年七十二

鄧氏府城外城角村陳兆榮妻同治四年兆榮卒鄧年二十有三

孀守家貧惟以紡績自給兆榮係出嗣爲人後鄧事兩家舅姑皆

盡職人無間言尤能謹肅閨門嫠居五十餘載足不踰閭無子撫

夫兄舉人兆棠三子同仰爲嗣同仰武舉人請贈兆榮武略騎尉

封鄧安人光緒間旌至宣統三年六十九歲

城角村陳明代報

王氏調排社山尾村曹慶超妻同治六年慶超卒王二十餘生子

甫三歲家無斗筭王強健如偉男子出則負耒耜把犁鋤入則操

井臼勤紡織得美餘以養翁姑撫穉子又能和妯娌睦宗族安義命泰然茹苦無戚戚於阨窮迨子長成娶婦生孫謂可娛晚景矣無何子去外洋不返人皆爲王憫王仍安之若素及孫長見曾乃卒年七十二周肇翰採訪冊

黃氏畧斜社深坑西村陳發輒妻作選時年十四同治七年夫主

故黃年二十有一懷孕已六越月及生男撫育長成井臼皆自操

事孀如母家事惟命是從宣統三年卒年六十五子駿熙監生

採訪冊

黃氏淡水社品題村太常寺博士銜卓壽祺妻廩貢生貴州試用

知府廣颺長子婦光緒五年壽祺卒黃年二十四孀居事堂上兩

海康縣續志

卷二十一 人物三 列女上

十三

雷陽印書館印

代各盡婦道及姑亡祖翁繼逝時翁宦遊黔中歸需時日家無儲

蓄連舉二喪黃皆典奩裝鸞簪珥以殯祭葬如一其撫孤子及夫

諸弟婚娶就傅一奉祖姑命經理悉當宗族稱爲孝婦又曰賢母

光緒三十二年請旌至宣統三年五十六歲

吳乃森採訪冊

宋氏城外夏和里陳璆曾繼妻監生陳宗翼子婦郎中銜增貢生

宗璫本生子婦扶柳社扶柳村監生宋汝晏次女光緒七年二

十一子歸甫入門璆曾已病無何遂卒夫妻觀面僅有數月矢志

孀守事姑謹恪非婚喪大典足不踰閭撫夫弟璆曾仲子爲嗣至

宣統三年五十一歲璆曾妻符亦孀守見附錄

高氏淡水社祿格村陳元亨妻扶柳社官田村附生高吉祥女光

緒十一年元亨卒無子高年二十六孀守事姑姑銅病十餘年輾轉牀蓐高朝夕侍湯藥舉動皆躬爲扶持始終無倦色至宣統三年五十二歲

林汝霖採訪冊

卓氏武郎社博袍村鄧德修妻安攬社肇攬村廩生卓慶嵩女拔貢鴻磐孫女夫妻情好甚篤德修病三年卓侍湯藥昕夕無少懈光緒十四年德修卒卓年二十八無子屢欲以身殉而老姑在堂舉目無親姑媳相依祇得忍死以待無何姑病彌留亦年屆二週始卒卓日侍側承痰涎滌穢垢必躬必親凡醫藥飲食衣服之需有可以致者無不竭力爲之家本不裕洊經坎壈久而益窮艱衣食無資恆以女工自給三黨賢之至宣統三年五十一歲

謝拔傳採訪冊

海康縣續志

卷二十一 人物三 列女上

十四 雷陽印書館印

### 附錄

蔡氏英風社邁炭村鄧作雨妻光緒二十八年作雨卒蔡年二十四孀守無子家酷貧歲惟佃南陽祖祠嘗田一頃度口食母與兄欲奪其志矢死不從後其姑患瘡潰臭穢難近蔡常侍左右躬爲洗滌姑或怒罵愉容不改族黨僉曰難能民國十二年卒年四十五

鄧炳輝採訪冊

上列節婦共二十三名皆有事畧可紀故列爲節婦之首

### 城區節婦

周氏城外蘇樓巷陳宗虞妻乾隆五十九年宗虞卒周年二十一孀守以夫弟署山西太谷縣主簿宗器子爲嗣卒年三十八祀節

### 孝祠

梁氏城內雨花臺後東街馳贈奉直大夫陳魁五妻嘉慶八年魁五卒梁年十七于歸僅數月遺腹一男孀守撫孤卒年七十四咸豐間請旌建坊祀節孝祠孫聖欽雲南試用府經歷

王氏大埔社下嵐村遷住城外 鄧秉禮妻嘉慶十五年秉

禮卒年二十二孀守茹貧謹事翁姑撫孤兒卒年六十九請旌何氏城外夏和里監生陳箸妻浙江溫處兵備道陳昌齊長子婦遂溪縣通明村試用縣丞何秉衡女嘉慶十九年箸卒何年二十一孀守撫孤事翁姑盡職教子孫有方卒年四十三

李氏城外調會中坊林日昇妻道光二年日昇卒李年二十八孀

海康縣續志

卷二十一 人物三 列女上

十五 雷陽印書館印

守撫孤卒年七十五

顏氏城外蘇樓巷符吉成妻道光八年吉成卒顏年二十八孀守撫兒事翁姑克謹卒年七十四

陳氏城內西門外翁長養妻武生千總衙翁心慎長子婦城內鐘樓巷宣課司大使衙陳廷瓊女道光十二年長養卒陳年二十二孀守以夫姪按察司經歷衙繼武爲嗣卒年五十九同治六年請旌已建坊祀節孝祠

符氏城外夏和里陳宗晟妻優貢生陳簡子婦畧斜社和家村增生符森楠女道光二十一年宗晟卒符年二十七孀守撫夫弟監生宗濩子爲嗣卒年六十八已請旌祀節孝祠

宋氏城外蘇樓巷廩生唐鑑妻道光十七年鑑卒宋年三十孀守撫孤謹事翁姑卒年四十三

王氏城西門外陳維屏妻調襖社祿切村廣西試用州吏目王翼女道光二十二年維屏卒王年二十三孀守撫遺腹子謹事翁姑卒年六十五

袁氏城外夏和里調會坊黃樹良妻道光二十二年樹良卒袁年二十二孀守撫孤事翁姑盡職卒年四十二祀節孝祠子炳焜監生

陳氏城外蘇樓巷唐坤妻夏和里優貢生陳簡女道光二十四年坤卒陳年三十孀守撫孤卒年七十九長子鴻儒布政司經歷銜

海康縣志 卷二十一 人物三 列女上 十六 雷陽印書館印

孫錦廩生出嗣銘附生銓監生出嗣

謝氏城外蘇樓巷從九品銜唐如珠妻道光二十六年如珠卒謝年三十孀守撫兒事姑惟謹卒年五十一

陳氏淡水村遷住城內府署後巷監生梁世澤妻議敘守備武生梁應龍長子婦道光二十七年世澤卒陳年二十一孀守撫孤卒年八十三子曰梓妻楊氏同治六年曰梓卒楊年二十四孀守卒年三十八

吳氏城外蘇樓巷陳儀德妻道光二十七年儀德卒吳年三十孀守撫孤卒年七十四子廷蘭監生

楊氏城外蘇樓巷鄧鍾毓妻道光二十七年鍾毓卒楊年三十孀

守撫孤卒年六十六

蔡氏城外調會中坊林丕華妻道光二十七年丕華卒蔡年二十四孀守撫孤卒年六十四

莫氏城西門外貽贈奉直大夫翁長禧妻廣西補用巡檢翁心聖子婦黎郭社東嶺村副貢莫炯女道光二十八年長禧卒莫年二十九孀守撫族姪繼棟為嗣卒年六十八已請旌建坊繼棟監生易氏城外蘇樓巷唐坡妻道光二十九年坡卒易年二十三孀守以從兄布政司經歷銜鴻儒三子監生銓為嗣卒年四十六

鄧氏城外蘇樓巷唐元輝妻道光三十年元輝卒鄧年二十八遺腹一男孀守撫孤卒年六十二光緒間請旌子興宗監生

海康縣志 卷二十一 人物三 列女上 十七 雷陽印書館印

何氏城外蘇樓巷唐有裕妻道光三十年有裕卒何年三十孀守撫兒謹事翁姑卒年六十五

歐氏城西門外黃鑑江妻道光三十年鑑江卒歐年二十五孀守撫孤卒年六十四

謝氏城外蘇樓巷附生唐樂妻南海縣翰林編修謝蘭生孫女咸豐元年樂卒謝年二十八孀守撫嗣子卒年六十九

黃氏城外蘇樓巷唐元喜妻咸豐元年元喜卒黃年二十二孀守謹事翁姑厚撫嗣子卒年六十八已請旌祀節孝祠

陳氏城外夏和里調會上坊例貢生宋鴻儒妻歲貢生鴻猷試用教諭鴻謨三弟婦咸豐二年鴻儒卒陳年二十五孀守以鴻謨次

子爲嗣卒年五十九已請旌建坊祀節孝祠

辛氏南祿社中和村遷住城外夏和里林鶴妻咸豐四年鶴卒辛年二十二孀守卒年三十二

黃氏城外蘇樓巷陳成姜妻咸豐五年成姜卒黃年二十二孀守至宣統三年七十八歲

陳氏城西門外附生翁長龍妻四川補用從九品翁心安仲子婦扶柳社城家村署延平知府陳汝實之妹咸豐六年長龍卒陳年二十八孀守事親竭力教子有方卒年六十二已請旌祀節孝祠長子繼喆府知事銜次子繼炘監生

鄧氏城外蘇樓巷何霖妻咸豐六年霖卒鄧年二十孀守食貧撫

孤卒年七十二

韓氏城外夏和里何克傳妻咸豐六年克傳卒韓年十九孀守事姑撫兒艱苦備嘗至宣統三年七十四歲光緒三十四年請旌祀節孝祠

楊氏城西門外職員翁長源繼妻武生千總銜翁心慎仲子婦城內縣署後巷歲貢楊璜女咸豐七年長源卒楊年三十孀守無生育撫夫前妻二子如已出愛不忘勞仲子繼猷監生妻陳氏調襖社南田村試用教諭陳昌謀孫女同治三年繼猷卒陳年二十五與姑同守節楊卒年五十七陳至宣統三年七十二歲繼子述曾監生

陳氏城內府署後巷職員梁世澄妻武生議敘守備梁應龍四子婦咸豐八年世澄卒陳年二十二孀守撫孤卒年三十三

劉氏城外夏和里溫慶元妻咸豐八年慶元卒劉年二十八孀守謹事翁姑卒年六十六光緒十年請旌已建坊祀節孝祠

唐氏城外曲街陳學顯妻咸豐十一年學顯卒唐年二十六孀守撫孤卒年四十九

曹氏城外蘇樓巷陳承恩妻同治元年承恩卒曹年二十六孀守撫孤謹事翁姑卒年四十九

歐氏城外南亭關墨亭村符時治妻同治元年時治卒歐年二十五孀守撫夫弟之子爲嗣卒年七十一

蔡氏城內嘉嶺巷陳光易妻同治三年光易卒蔡年二十九孀守食貧撫孤卒年六十四光緒二十年請旌子鍾璋舉人

黃氏城外南亭關墨亭村附生符封國妻監生符居廣子婦同治三年封國卒黃年三十孀守撫孤卒年六十二

陳氏城外夏和里調會上坊宋培菁妻歲貢生宋鴻猷長子婦同治三年培菁卒陳年二十四孀守卒年四十七光緒十四年請旌已建坊祀節孝祠

蕭氏城內鐘樓巷雙月詹事府主簿陳毓齊繼妻雙月道庫大使陳廷瓚子婦城外蘇樓巷廩生蕭露涓孫女同治三年毓齊卒蕭年三十孀守事姑撫兒卒年四十七子登翰監生

李氏扶柳社雷高村遷住城外調會上坊吳務卿妻附生吳尙禮  
孫婦同治四年務卿卒李年二十婦守撫孤卒年五十八

梁氏城東門外陳承梁妻安苗社田頭村歲貢生梁華峰女增生  
梁禹鄰妹同治四年承梁卒梁年二十九婦守服事舅姑撫養四  
子至宣統三年七十五歲宣統元年請旌祀節孝祠

毛氏城東門外謝岳高妻同治五年岳高卒毛年二十四婦守撫  
兒謹事翁姑卒年四十三

鄭氏城角北村黃永寧妻同治六年永寧卒鄭年二十八婦守謹  
事翁姑教養二子卒年六十九已請旌次子有猷附生

吳氏城外夏和里監生陳文光妻遂溪平余村附生吳開泰女同  
治七年文光卒吳年二十九婦守撫夫兄之子爲嗣至宣統三年

七十二歲

吳氏南祿社中和村遷住城外夏和里林鵠妻同治七年鵠卒吳  
年二十五婦守事祖姑克敬撫孤兒以慈至宣統三年六十八歲

宣統二年請旌祀節孝祠

吳氏城西門外署天全州吏目翁心安妻同治八年心安卒吳年  
三十婦守謹事家長父母及女君於嫡之子孫厚撫之一如己出  
所生子長瀛武生長齡廩生光緒間請旌至宣統三年七十二歲  
並祀節孝祠

鄧氏城外蘇樓巷陳家瑜妻歲貢生陳文鋒仲子婦同治八年家

瑜卒鄧年二十九婦守謹事翁姑撫嗣子至宣統三年七十一歲  
蔡氏城外調會中坊彭本立妻同治九年本立卒蔡年三十婦守  
撫孤卒年五十八

梁氏城內鐘樓巷監生陳登典妻按察司知事銜陳毓岐長子婦  
府署后巷武生守備銜梁應龍孫女同治九年登典卒梁年二十  
四婦守以夫弟監生登籍子兼祧卒年五十九光緒三十二年請  
旌祀節祠孝

倪氏城西門外瓊州府試用訓導翁長麟妾同治十年長麟卒倪  
年二十七婦守善事女君嚴教所生二子至宣統三年六十七歲  
子長繼璠廩生次繼璵增生

海康縣續志

卷二十一 人物三

列女上

二十一

雷陽印書館印

王氏城外蘇樓巷職員陳國琮妻同治十年國琮卒王年二十七  
婦守至光緒三年卒三十二歲

陳氏城北門內海康籍何吉隆妻同治十年吉隆卒陳年二十六  
婦守食貧事翁姑撫二子至宣統三年六十六歲

黃氏城角村陳玉貴妻夏和里附生黃玉琪妹同治十一年玉貴  
卒黃年二十七婦守至宣統三年六十六歲

陳氏城北門內海康籍王魁利妻同治十一年魁利卒陳年二十  
五婦守謹事舅姑至宣統三年六十四歲

李氏城內柳樹巷職員黃繼盛妻萬州學正成章姪婦全巷監生  
李滋瀛女拔貢書田從姊光緒元年繼盛卒李年二十六婦守甘

貧謹事舅姑至宣統三年六十二歲長子儒珍附生妻譚氏亦孀  
守見附錄

蔡氏城外蘇樓巷唐光祿妻同治十三年光祿卒蔡年二十七孀  
守撫孤至宣統三年六十四歲

顏氏城外夏和里監生陳猷訓妻光緒二年猷訓卒顏年二十七  
孀守撫二子至宣統三年六十二歲宣統二年請旌祀節孝祠子  
長廷爵次廷祿俱職員

莫氏城西門外黃以榕妻光緒五年以榕卒莫年二十九孀守撫  
孤至宣統三年六十一歲

符氏城外南亭關南渡村游永祥妻光緒七年永祥卒符年二十

海康縣志

卷二十一 人物

列女上

二十二

雷陽印書館印

三孀守撫遺腹子至宣統三年五十三歲

林氏城外蘇樓巷廩生何紹琳妻拔貢何凌雲仲子婦夏和里詹  
事府主簿銜林子桂女光緒八年紹琳卒林年十九孀守事舅姑  
克謹教孤兒有方卒年四十八祀節孝祠子覃恩監生

熊氏城外蘇樓巷唐逢澤妻光緒九年逢澤卒熊年二十六孀守  
撫兒事姑克謹至宣統三年五十四歲

吳氏城角北村黃永臧妻光緒九年永臧卒吳年二十九孀守至  
宣統三年五十七歲

王氏南祿社中和村遷住城外夏和里林培桐妻光緒十一年培  
桐卒王年二十六孀守至宣統三年五十二歲宣統二年請旌祀

節孝祠

梁氏城內柳樹巷程家詩妻光緒十一年家詩卒梁年三十孀守  
撫孤至宣統三年五十六歲

何氏城外關部關陳鳳樓妻光緒十二年鳳樓卒何年二十一孀  
守卒年三十九

王氏城外夏和里謝朝卿妻光緒十三年朝卿卒王年二十九孀  
守撫孤至宣統三年五十三歲

李氏城外蘇樓巷何炳輝妻光緒十四年炳輝卒李年三十孀守  
事孀姑克謹撫孤兒以慈卒年五十

吳氏城北門內海康籍李立功妻光緒十四年立功卒吳年二十

海康縣志

卷二十一 人物

列女上

二十三

雷陽印書館印

七孀守撫兒謹事翁姑至宣統三年五十歲

陳氏城外蘇樓巷唐斯猷妻光緒十五年斯猷卒陳年二十八孀  
守事親撫孤至宣統三年五十歲

勞氏城外南亭關墨亭村符兆瓊妻光緒十六年兆瓊卒勞年二  
十五孀守撫兒謹事翁姑卒年四十一

陳氏城外蘇樓巷翁繼泰妻拔貢翁長建子婦光緒十八年繼泰  
卒陳年三十孀守撫孤卒年四十三

王氏城西門外寧國坊陳樹濤妻光緒十九年樹濤卒王年十七  
孀守事姑卒年二十九

陳氏城外南亭關墨亭村符南成妻光緒二十三年南成卒陳年